

**CENTRALNA BANKA  
BOSNE I HERCEGOVINE**  
Broj: 150-15-4-2553-3 /17 TT  
Sarajevo, 17.11.2017. godine

2017-2017  
11-2017

Na osnovu članova 18. stav (1), 21. stav (1) tačka (c) i 28. Zakona o javnim nabavkama ("Službeni glasnik BiH" 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, a u vezi sa Zaključkom Uprave Centralne banke Bosne i Hercegovine sa 12. sjednice održane 7. novembra 2017. godine, guverner Centralne banke Bosne i Hercegovine donosi

#### O D L U K U

o pokretanju postupka javne nabavke usluga – održavanje platforme za elektronsko međubankarsko tržište novca – Spider platforme, putem pregovaračkog postupka bez objave obavještenja o nabavci

##### Član 1.

- (1) Ovom odlukom pokreće se postupak javne nabavke usluga – održavanje platforme za elektronsko međubankarsko tržište novca – Spider platforme, putem pregovaračkog postupka bez objave obavještenja o nabavci (u daljem tekstu: pregovarački postupak), sa dobavljačem TENFORE d.o.o., Bulevar Živojina Mišića 15B, Banja Luka, Bosna i Hercegovina.
- (2) Ukupna procijenjena vrijednosti nabavke iz stava (1) ovog člana iznosi 83.000,00 KM. (slovima: osamdesettrihiljade i 00/100 konvertibilnih maraka).

##### Član 2.

- (1) Odobravanje pregovaračkog postupka iz člana 1. ove odluke zasniva se na Prijedlogu Odjeljenja za javne nabavke Centralnog ureda Centralne banke Bosne i Hercegovine (u daljem tekstu: Odjeljenje za javne nabavke), broj: 150-15-4-2553/17 SD od 25. oktobra 2017. godine.
- (2) Uslugu navedenu u članu 1. ove odluke zbog specifičnosti nabavke i povjerljivosti prenosa podataka može izvršiti samo ponuđač TENFORE d.o.o., kao ekskluzivni pružalac navedenih usluga.

##### Član 3.

Centralna banka Bosne i Hercegovine će u roku od 3 dana od dana stupanja na snagu ove odluke donijeti rješenje o imenovanju Komisije za javne nabavke sa jasno utvrđenim poslovima i ovlaštenjima komisije.

##### Član 4.

- (1) Zadužuje se Odjeljenje za javne nabavke, da utvrdi konačan tekst tenderske dokumentacije i istu dostavi nadležnoj komisiji iz člana 3. ove odluke na dalje postupanje.
- (2) Zadužuje se Odjeljenje za javne nabavke da objavi namjeru provođenja pregovaračkog postupka, u skladu s uvodno citiranim Zakonom o javnim nabavkama i podzakonskim propisima.

##### Član 5.

Centralna banka Bosne i Hercegovine će u slučaju uspješno provedenog pregovaračkog postupka i sticanja uslova za zaključenje ugovora po osnovu citiranog zakona s izabranim ponuđačem zaključiti ugovor za čije se izvršenje zadužuje Odjeljenje za platne sisteme Centralnog ureda Centralne banke Bosne i Hercegovine (u daljem tekstu: Odjeljenje za platne sisteme).

Član 6.

Sredstva za realizaciju ove odluke planiraće se Planom nabavki Centralne banke Bosne i Hercegovine za 2018. godinu, 2019. godinu i 2020. godinu.

Član 7.

Za realizaciju ove odluke zadužuju se Odjeljenje za platne sisteme, Odjeljenje za računovodstvo i finansije Centralnog ureda Centralne banke Bosne i Hercegovine i Odjeljenje za javne nabavke.

Član 8.

Ova odluka stupa na snagu danom donošenja.

  
**GUVERNER**  
*dr Senad Softić*  
**dr Senad Softić**

Dostaviti:

- Uredu guvernera
- Viceguvernerima
- Uredu glavnog internog revizora
- sekretaru Uprave i Upravnog vijeća
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenje za platne sisteme
- Odjeljenju za ljudske resurse
- arhiva